



mišljenja prema relevantnim institucijama, a u cilju zaštite interesa članica Grupacije saobraćaja i veza i pripadajućih Sekcija PK USK;

- Saradnju i aktivno učešće u radu Grupacije saobraćaja i veza pri P/GK F BiH;
- Saradnju sa Vladom USK i resornim ministarstvima radi efikasnijeg rješavanja problematike iz oblasti saobraćaja i veza;
- Saradnju sa Udruženjima iz oblasti saobraćaja i veza na razini F BiH i BiH;
- Rad na kontinuiranom pružanju obavijesti, savjeta i druge stručne pomoći iz djelokruga rada članica Grupacije saobraćaja i veza;
- Ostvarivanje aktivne suradnje sa članicama i nadležnim ministarstvom u Vladi, a na osnovu zakonske regulative, na usaglašavanju raspodjele dozvola za prevoz tereta, usklađivanju voznih redova linijskog prijevoza putnika, usklađivanja cjenika usluga autobusnog prijevoza itd.
- Aktivno sudjelovanje u kreiranju i donošenju zakona, propisa i odredbi iz oblasti saobraćaja i veza.

### **Grupacija za komunalne usluge i reciklažu otpadnih materijala**

Rad u Grupaciji za komunalne usluge i reciklažu otpadnih materijala u 2008.g. odvijat će se kroz:

- Redovno organiziranje sastanaka Grupacije komunalnih usluga i reciklaže;
- Analiziranje efekata djelovanja zakonskih propisa iz oblasti vodoprivrede, zaštite okoliša, sekundarnih sirovina i reciklaže, te pokretanje inicijative za njihovu dopunu i izmjenu;
- Saradnju sa Vladom i resornim ministarstvom u cilju unapređenja poslovanja iz komunalne oblasti i sekundarnih sirovina;
- Pružanje pomoći onim članicama Grupacije koje još nisu provele vlasničku transformaciju – privatizaciju;
- Aktivno učešće i saradnju na aktivnostima Grupacije komunalnih usluga i reciklaže pri P/GK F BiH;
- Zajednička izlaganja i posjete domaćim i inozemnim sajmovima od interesa za članice Grupacije;
- Kontinuirano saradivanje sa osnivačima komunalnih poduzeća – općinama na razvoju i unapređenju komunalne oblasti.

### **Grupacija šumarstva, drvne, grafičke i papirne djelatnosti / Klaster drvoprerade i šumarstva USK**

Tokom 2008. godine predviđeno je da se aktivnosti odvijaju u vidu analize stanja u ovoj djelatnosti, dajući potrebne inicijative, iznoseći mišljenja, stavove i preporuke, prijedloge i slično, a radi stvaranja uvjeta za poboljšanje i unapređenje rada i poslovanja u branši.

U okviru navedenog odvijat će se i slijedeće posebne aktivnosti:

- Do kraja projekta nastaviti suradnju sa USAID-om na realizaciji zajedničkog Projekta podizanja konkurentnosti firmi razvojem klastera u sektoru drvoprerade. Nakon završetka USAID CCA projekta pokušati iznaći druge mogućnosti podrške sektoru šumarstva i drvoprerade bilo od USAID-a ili drugih domaćih ili međunarodnih donatora.
- Animiranje novih firmi za pristupanje u slobodno članstvo PK USK;
- Poboljšati stepen naplate članarine;
  - intenziviranjem kontakata sa firmama članicama,
  - boljom koordinacijom između Komore i članica,
  - redovnim informiranjem svake od članica o aktivnostima Komore,
  - voditi transparentnu politiku (svaka članica je jednako važna);
- Realizirati „Međunarodnu konferenciju o zaštiti šuma u svijetlu klimatskih promjena“, uz obećano pokroviteljstvo predsjedavajućeg predsjedništva BiH Željka Komšića;

- Podržavati razvijanje korektnih partnerskih odnosa između šumarstva i drvne industrije USK, a otvorena i aktualna pitanja rješavati uz uvažavanje obostranih interesa u skladu sa Poslovnim kodeksom grupacije ;
- Animirati vodeće firme članice drvnog klastera USK za nastup na sajmu EKOBIS 2008;
- Realizirati posjet međunarodnim sajmovima od značaja za drvnu industriju;
- Nastaviti sa provedbom usvojenih Kriterija za raspodjelu/prodaju sirovine, te ih inovirati i poboljšavati;
- Pratiti provedbu/izvršavanje rezultata dobijenih rasudjelom sirovine na osnovu dobijenih Kriterija – tromjesečno sazivati sastanak na tu temu.

### **Grupacija poljoprivrede i prehrambene industrije**

- Održavanje sastanaka Grupacije jednom tromjesečno, a po potrebi i češće;
- Aktivna suradnja sa resornim ministarstvom Vlade USK, a u tom smislu posebno sa Poljoprivrednim zavodom USK i Veterinarskim zavodom Bihać (naglasak na definiranje poticaja u poljoprivredi u okviru budžeta Vlade USK za 2008. god. te pomoći pri izradi i aplikaciji projekata koji tretiraju organsku ekološku proizvodnju);
- Analiza efekata djelovanja zakonskih propisa te pokretanje inicijativa za izmjenu i dopunu istih;
- Animiranje novih firmi iz ovog sektora za članstvo u PK USK;
- Sačiniti godišnji plan posjeta članicama grupacije i provesti ga u cijelosti, a ovu aktivnost uskladiti sa planom animacije za učešće na sjamu EKOBIS 2008;
- Kroz stalne kontakte i posjete članica poboljšati stepen naplate članarine;
- Animacija članica Grupacije za posjete i nastupe na sajmovima sa ovom tematikom, bilo samostalno ili na zajedničkim nastupom sa Komorom;
- Animiranje svih članica za nastup na sajmu „ EKOBIS 2008“;
- Aktivna pomoć i učešće u radu POEZ USK.

### **Grupacija industrije, energetike i rudarstva**

- Održavanje sastanaka Grupacije jednom tromjesečno, a po potrebi i češće;
- Aktivna suradnja sa resornim ministarstvom Vlade USK;
- Praćenje i analiza postojeće zakonske regulative iz ovih oblasti te predlaganje izmjena i dopuna radi poboljšanja kvalitete rada;
- Animacija novih firmi iz ovog sektora za članstvo u PK USK;
- Sačiniti godišnji plan posjeta članicama grupacije i provesti ga;
- Poboljšati stupanj naplate članarine;
- Animacija članica grupacije za posjete i nastupe na sajmovima sa ovom tematikom, bilo samostalno ili na zajedničkom prostoru;
- Kontinuirana animacija svih članica za nastup na sajmu „ EKOBIS 2008“.

### **Grupacija trgovine, turizma i ugostiteljstva**

- Analiza i praćenje postojeće zakonske regulative iz ove oblasti, te predlaganje izmjena i dopuna istih kako bi se poboljšalo trenutno stanje.
- Aktivno učešće i saradnja na aktivnostima Grupacije trgovine, turizma i ugostiteljstva pri P/GK F BiH.
- Saradnja sa Vladom svih nivoa, kao i resornim ministarstvima u cilju unapređenja poslovanja iz ovog područja.
- Davati podršku u realizaciji razvojnih programa i projekata u oblasti turizma.
- Sa općinama kontinuirano saradivati na razvoju turizma.
- Promocija turizma USK kroz posjete/učešće Komore sa članicama na sajmovima u zemlji i inozemstvu, kao i prezentacijama i drugim vidovima promocije.
- Nastaviti saradnju sa TZ USK na programima i projektima razvoja turizma i njegovoj promociji.
- Organizirati što veći broj seminara/edukacija/radionica za zaposlene u turizmu na temu aktuelnih pitanja u turizmu i kako ga unaprijediti.

- U sklopu EKOBIS-a 2008. obavezno organizirati najmanje jedan okrugli stol na temu turizma na USK.
- Poticati udruživanje domaće trgovine međusobno i sa proizvođačima.
- Pomoći u programiranju razvoja trgovine i povezivanju sa domaćim proizvođačima, kako bi kupovali i prodavali kvalitetno domaće.
- Založiti se za razrješenja nacionaliziranih objekata i osiguranje postojećih zaposlenih u trgovini koja još nije privatizirana. Komora treba poticati donošenje i razrješenje neriješenih problema Zakonom o restituciji.
- Tražiti od državnih organa da trgovina ima ozbiljan tretman u programiranju budućeg razvoja, jer trgovina značajno puni državni budžet. Sadašnja strategija razvoja forsira uvozno-izvozna komponentu, a zanemaruje domaće tržište.
- Poduzeti sve mjere u mogućnosti Komore za suzbijanje nelojalne konkurencije i sive ekonomije u trgovini i pružanju turističkih i ugostiteljskih usluga.

### **Grupacija građevinarstva i industrije građevinskih materijala**

- Analiziranje stanja u oblasti građevinarstva i IGM te predlaganje mjera za poboljšanje stanja
- Poticati razvoj građevinske operative na području USK, naročito stambene izgradnje, poštivanje i primjenu Federalnog i kantonalnog Zakona o građenju, drugih kantonalnih zakona iz ove branše, provođenje i poštivanje institucije Natječaja za dobivanje poslova i dr.;
- Tražiti bolju zakonsku uređenost tržišta, kao i adekvatniji inspekcijski nadzor;
- Analizirati Zakone u pripremi donošenja, kao i Zakone u primjeni sa prijedlogom mjera za poboljšanje;
- Poticati uspostavljanje korektnih poslovnih odnosa unutar Grupacije;
- Pratiti i zastupati interese i potrebe građevinskih firmi USK za učešće na Natječaju za detašmane za rad u SR Njemačkoj, analizirati i rješavati aktualnu problematiku.

### **Grupacija bankarstva, osiguranja i ostalih poslovnih djelatnosti**

- Analiza stanja u djelatnosti i pokretanje prijedloga za poboljšanje stanja;
- Pružanje stručne pomoći članicama u cilju potpune informiranosti o mjerama od interesa za članice Grupacije;
- Analiziranje efekata djelovanja zakonskih propisa te pokretanje inicijative za dopunu ili izmjenu zakonskih propisa;
- Animiranje članica Grupacije i ostalih za učešće na sajmu „ EKOBIS 2008 „
- Učešće članica Grupacije na seminarima koje organizira PK USK:
  - „ Upravljanje obrtnim sredstvima“
  - „Seminar za bankare“
  - „ Financijski izvori, planiranje i izvještavanje“;
- Unapređenje rada i poslovanja članica Grupacije, uspostavljanje i razvijanje poslovno – tehničke saradnje sa poslovnim partnerima.

### **Ekonomski odnosi sa inozemstvom i promocije**

- Redovno pratiti i ažurirati kalendar sajmova za 2008. godinu; izvještavati članice o interesantnim sajmovima za njih i mogućnostima učešća i promocije; promovirati PK USK i EKOBIS učešćem i posjetima sajmovima.
- U svrhu promocije EKOBIS 2008. i privrede USK uzeti učešće na slijedećim sajmovima: GAST 2008. Split, Interio Sarajevo, Lukavac 2008. Lukavac, Obrtnički i gospodarski sajam Križevci, Sajam turizma lova i ribolova Varaždin, Sajam privred Brčko 2008. Brčko, te na drugim sajmovima za koje se bude smatralo da su od koristi za promociju EKOBIS 2008 i privrede USK.
- Također, u slučaju odobravanja sredstava od strane VTK BiH, organizirati predstavljanje privrede BiH na 75. Međunarodnom poljoprivrednom sajmu Novi Sad,

13. međunarodnom sajmu lova, ribolova, turizma Varaždin i 3. Proljetnom sajmu/Dom i tehnika/Sajam obrtnika HOT 08 Rijeka.

- Aktivno učešće i saradnja sa Grupacijom sajмова pri VTK BiH;
- Intenzivirati saradnju sa partnerskim komorama na što više polja od obostrane koristi; Vršiti kontinuiranu saradnju poslovnim posjetima, kao i pozivima na posjet PK USK; Osigurati učešće što više partnerskih komora na EKOBIS 2008.
- Nastaviti međukomorsku saradnju i sa ostalim privrednim komorama u široj regiji: Hrvatskoj, Sloveniji, S&CG, te Mađarskoj i Italiji, naročito kroz izradu i realizaciju projekata od zajedničkog interesa-projekti prekogranične i međuregionalne suradnje.
- U cilju predstavljanja privrede USK i njenih mogućnosti organizirati promocije i prezentacije firmi, programa, projekata, proizvoda i usluga, kako iz zemlje tako i iz inozemstva; organizacija poslovnih susreta u zemlji i inozemstvu.
- Održati saradnju i kontakte sa ambasadama stranih zemalja i stranim predstavništvima u BiH, kao DKP BiH u inozemstvu.
- Pomagati članicama na jačanju njihove konkurentske sposobnosti na inozemnom tržištu i povezivanju s partnerima u inozemstvu.
- Informisanje članica o programima, politici i pravilima EU.
- Usluge javnih ovlaštenja: izdavanje certifikata o porijeklu robe potvrda i mišljenja u vezi uvozno-izvoznih poslova, te druge javne ovlasti preuzete od VTK, PK F BiH ili Vlada svih nivoa.

## **REGIONALNI CENTAR ZA PODRŠKU MALIM I SREDNJIM PODUZEĆIMA**

RC MSP u 2008. godini nastavlja sa pružanjem usluga namjenjenih mali i srednjim preduzećima u regiji. Neke od usluga su:

- registracija svih oblika poslovanja
- pružanje informacija o raspoloživim kreditnim linijama
- izrada poslovnih planova i investicionih projekata
- organizacija seminara
- posredovanje u pregovorima sa ino partnerima
- usluge poslovnog savjetovanja
- organizacija promocija i nastupa na domaćim i inostranim sajmovima
- redovno pratiti projektne pozive i tendere putem e-maila, web-stranica i ostalih vidova kontakata, te obavještavati članice o mogućnostima apliciranja.
- posredovanje poslovnih ponuda sa prijevodom i potrebnim poslovnim informacijama o privrednim subjektima.
- izrada stručnih informativnih publikacija i drugo.

### **Akademija ženskog poduzetništva**

U okviru projekta AŽP-a planirane su slijedeće aktivnosti:

- identifikacija žena poduzetnica i kreiranje baze podataka
- analiza tržišnih mogućnosti i trendova u ženskom poduzetništvu
- identifikacija i analiza nezaposlenih žena podobnih za projekat
- identifikacija mentora, konsultanata i trenera
- prikupljanje podataka za strategiju ekonomskog poboljšanja položaja žena
- organizacija edukacija za 100 nezaposlenih žena
- prikupljanje podataka, dizajniranje i publikovanje brošura
- umiranje i kompletiranje kataloga žena poduzetnica sa njihovim poslovnim profilima

### **Edukacija**

Edukativne aktivnosti privrednika realiziraće se kroz Regionalni centar za podršku malim i srednjim preduzećima, a u septembru planiramo održati čitav niz edukacijskih sadržaja u okviru sajma EKOBIS 2008. Predviđene teme su:

JANUAR / SIJEČANJ 2008.

Seminar „Tržište kapitala i posrednički poslovi“  
Seminar „Interni audit“  
Seminar „Strateško planiranje i upravljanje“ – 23.01.2008.  
Seminar „Upravljanje obrtnim sredstvima“ – 24.01.2008.

#### FEBRUAR / VELJAČA 2008.

Seminar „Pisanje prijedloga projekata“ – 12. i 13.02.2008.  
Seminar „Komunikacija i komunikacijske vještine“ - 19. i 20.02.2008.  
Seminar za bankare 21.02.2008.  
Seminar za polaganje pravosudnog ispita

#### MART / OŽUJAK 2008.

Seminar „Upravljanje vremenom - Time Management“ - 18. i 19.03.2008.  
Seminar „Poslovna korespondencija na engleskom jeziku“ 20.03.2008.  
Seminar „Financijski izvori planiranje i izvještavanje“ 26.03.2008.

#### APRIL / TRAVANJ 2008.

Seminar „Upravljanje stresom i prevencija stresa“ - 15. i 16.04.2008.  
Seminar „Upravljanje projektima u malim i srednjim poduzećima“  
Seminar „HACCP za interne auditore“

#### MAJ / SVIBANJ 2008.

Seminar „Informacijske tehnologije za biznis“ 27.05.2008.  
Seminar „Napredne prezentacijske vještine“ - 28. i 29.05.2008.  
Seminar „ISO 22 000 -2005“

#### JUNI / LIPANJ 2008.

Seminar „Izrada i održavanje postojećih baza podataka“ 02. i 03.06.2008.  
Seminar za pravnike 04.06.2008.  
Seminar „Potreba i nužnost uvođenja CE znaka“ 11.06.2008.

#### SEPTEMBAR / RUJAN 2008.

Seminar za turizam i ugostiteljstvo (u okviru EKOBIS sajma od 11. do 14.09.2008.)  
Seminar „Biološko pročišćavanje otpadnih voda – BIOAUGMENTACIJOM“ (u okviru EKOBIS sajma od 11. do 14.09.2008.)

#### OKTOBAR / LISTOPAD 2008.

Seminar „Upravljanje ljudskim resursima“ ?  
Seminar „Značaj osiguranja života i imovine“  
Seminar „Stvaranje timova i timski rad“ - 28. i 29.10.2008.

#### NOVEMBAR / STUDENI 2008.

Edukacija «Peti Dan kvaliteta i inovacija USK» 20.11.2008.  
Seminar „Psihologija prodaje i napredne prodajne vještine“ - 18. i 19.11.2008.  
Seminar „Upravljanje rastom u poduzeću“ 27.11.2008.

#### DECEMBAR / PROSINAC 2008.

Seminar „Unapređenje prodaje“ 03.12.2008.

## **Ostale aktivnosti**

- Edukacija zaposlenih PK USK radi implementacije ISO 9001:2000 u dogovoru sa konsultantima i pripreme za certificiranje PK USK u dogovoru s certifikacijskom kućom;
- Certificiranje PK USK prema ISO 9001:2000;
- Organizacija Izbora godišnjih nagrada i priznanja PK USK za 2007.g.;
- Organizirati 5. Dan kvaliteta i inovacija USK;
- Raditi pripremu dokumentacije za osnivanje odnosno statusne promjene privrednih duštava;
- Izrađivati mjesečne izvještaje o opštim kretanjima privrede USK, i komparativno u F BiH; po potrebi i specifične statističke izvještaje;
- Sarađivati sa VTK BiH, P/G Komorom F BiH, Službom za zapošljavanje USK, Uredom za statistiku Bihać i AFIP-om radi pribavljanja potrebnih statističkih podataka;
- Obavljanje usluga iz oblasti javnih ovlaštenja i drugih usluga na komercijalnoj osnovi;
- Izdavačka djelatnost i informisanje kroz list " Poslovni informator"
- Ažurirati i inovirati marketinški materijal PK USK i komorsku web stranicu.
- Učešće u aktivnostima agencije „ARDA NW Banja Luka kao i ureda u Bihaću.

## **PROGRAM RADA UPRAVNOG ODBORA PK USK**

Aktivnosti i rad Upravnog odbora PK USK planiran je po kvartalima kako slijedi:

- ❑ Razmotriti i usvojiti Izvještaj o radu Upravnog odbora za 2007.godinu;
- ❑ Donijeti Plan rada Upravnog odbora za 2008.godinu;
- ❑ Utvrditi Prijedlog Izvještaja o materijalno – finansijskom poslovanju PK USK ( godišnji obračun ) za 2007..g. i dostaviti Skupštini na usvajanje;
- ❑ Utvrditi Prijedlog Odluke o financiranju Komore u 2008.g. ( Odluka o stopi i osnovici članarine za 2008.g. i Odluka o Finansijskom planu PK USK za 2008.godinu);
- ❑ Donijeti Program edukacije PK USK za 2008.godinu;
- ❑ Utvrditi Prijedlog Izvještaja Nadzornog odbora PK USK za 2007.g.

Rok: I kvartal 2008.g.

- ❑ Razmotriti Informaciju o rezultatima poslovanja privrede u 2007.godini;
- ❑ Razmotriti Informaciju o provođenju i izvršenju Programa rada Komore, s posebnim osvrtom na rad Regionalnog centra za podršku malim i srednjim preduzećima i pripremi za uvođenje standarda ISO 9001:2000 u Komori;
- ❑ Donijeti odluku o organizaciji 6. jubilarnog međunarodnog sajma EKO BIS 2008, te imenovati Direkciju i Organizacioni odbor sajma;
- ❑ Verificirati Izvještaj o radu Komisije za dodjelu priznanja PK USK i Odluke o dodjeli priznanja i nagrada za poslovnu 2007.godinu;

Rok: II kvartal 2008.g.

- ❑ Razmotriti Izvještaj o periodičnom obračunu poslovanja PK USK za period I – VI 2008.g.;
- ❑ Razmotriti Informaciju o rezultatima poslovanja privrede USK za period I –VI 2008.g.

Rok: III kvartal 2008.g.

- ❑ Razmotriti Informacija o realizaciji sajma " EKO BIS 2008.";
- ❑ Utvrditi Prijedlog Izvještaj o radu PK USK za 2008.g.
- ❑ Razmotriti Prijedlog Programa rada PK USK za 2009.g.

Rok: IV kvartal 2008.g.

## **PROGRAM RADA SKUPŠTINE PK USK**

U okviru svojih nadležnosti, a prema godišnjem Programu rada PK USK, osnovne aktivnosti Skupštine Privredne komore Unsko - sanskog kantona u 2008.godini ogledale bi se u slijedećem:

- ❑ Razmotriti i usvojiti Izvještaj o radu Skupštine PK USK za 2007.godinu;
- ❑ Donijeti Program rada Skupštine PK USK za 2008.godinu;
- ❑ Razmotriti i usvojiti Izvještaj o radu PK USK za 2007.godinu;
- ❑ Donijeti Program rada PK USK za 2008.godinu;
- ❑ Donijeti Odluku o Financijskom planu PK USK za 2008.godinu;
- ❑ Donijeti Odluku o osnovici, stopi, načinu i rokovima plaćanja članarine za 2008.g.
- ❑ Razmotriti i usvojiti godišnji Izvještaj o materijalno - financijskom poslovanju PK USK za 2007.godinu;
- ❑ Usvojiti Izvještaj o radu Nadzornog odbora u 2007. godini i Izvještaj o pregledu financijsko - materijalnog poslovanja PK USK po godišnjem obračunu za 2007 godinu;
- ❑ Usvojiti Kodeks poslovne etike članova PK USK;
- ❑ Razmatrati druga aktuelna pitanja iz oblasti privrede i funkcionisanja komorskog sistema.

Skupština će raditi u sjednicama, a pojedini članovi će aktivnosti obavljati i pojedinačno u organima i tijelima Komore, kroz rad strukovnih grupacija Savjeta za ekonomiku i razvoj te Savjeta za kvalitet i inovacije.